



Inatsisartunut ilaasortamut
Aqqalu C. Jerimiassen
Atassut

06-12-2022
Suliap normua. 2022 - 23458
Allakkat 21759756

Postboks 260
3900 Nuuk
Oqarasuaat (+299) 34 50 00
Nassitsigasuaat (+299) 34 66 66
E-mail: iian@nanoq.gl
www.naalakkersuisut.gl

Meeqqanut inuusuttunullu innarluutilinnut ulloq unnuarlu paaqqinnittarfiit pillugit § 37-imut apeqquteqarnermut nr. 212-2022-imut akissuteqaat.

Asasara Aqqalu C. Jerimiassen.

Apeqqutinut qujanaq. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

1. Ulloq unnuarlu paaqqinnittarfinni, meeqqallu innarluutillit angerlarsimaffianni meeqqamut ataatsimut sulisut marluusussaannerannut piumasaaqat nutaaq malillugu nuna tamakkerlugu pisortat pigisaannut namminersortunullu aningaasatigut qanoq naleqassava?

Paaqqinnittarfinni immikkut ulorianartorsiortoqartillugu sulisorineqartussani marlunnik najuuttoqarnissaa allaqqareerpoq. Unnuami pingaartut piumasaaqatini sakkortusisami marluunissaat aningaasatigut kinguneqartussaasusaapput, tamanna maannamut sulisorineqartussani ilaatinneqanginnami.

Tikeraarluni angalanerni meeraq ataaseq sulisumik ataatsimik ingiaqateqartarpoq, piumasaaqatini nutaani angalaneq unnuiffiusussaagaangat tamatigut ikinnerpaamik marlunnik ingiaqateqartassaaq.

Aningaasatigut kingunerisassaqaassanngilaq, qaninnerusoq sivikitsoq isigalugu ulloq unnuarlu paaqqinnittarfimmu imaluunniit ulloq unnuarlu neqeroorutinut inissiisarnerup akigititaat qaffaanermik kinguneqassaaq.

Qaammatit tulliuttut piumasaaqatit nutaat misilittagaqarfiulereerpata, ulloq unnuarlu paaqqinnittarfinni aamma ulloq unnuarlu neqeroorutini akiliutaasartut allangornissaat siunertaralugit naatsorsuisoqarumaarpoq. Akiliutaasartut allangortinnissaat ataatsimoortumik tapiissutit pillugit isumaqatigiisummut kommunit isumaqatiginniarneqassapput. Tamassuma pinissaa qaqugu pissanersoq suli isumaqatigiissutaanngilaq.

2. Ullutsinni sulisussaaleqineq annertoreersoq inulerisullu amigaataareersut, piumasaaqat nutaaq eqquutsinneqassappat sulisussat nutaat inulerisullu suminngaanniit pissarsiarineqassappat?

Ulloq unnuarlu meeqqanut inuusuttunullu innarluutilinnut paaqqinnittarfimmi suliassat annertunersaat sulisut ilinniarsimangitsut isumagisarpaat. Taamaattumik Naalakkersuisut maannakkut sulisorisat piginnaasaasa qaffassarnissaat anguniagarivaat. Isumaginninnermut Aqutsisoqarfik ulloq unnuarlu meeqqanut inuusuttunullu



innarluutilinnut paaqqittarfinni aamma ulloq unnuarlu inersimasunut innarluutilinni neqeroorutini sulisut ilinniarsimangitsut ukiut tamaasa pikkorissartittarpaat. Pikkorissarnerit inatsisartut aningaasanut inatsisaata konto 30.01.03-mit aningaasalerneqartarput. Isumaginninnermut Aqutsisoqarfiup ulloq unnuarlu paaqqinnittarfiit aamma ulloq unnuarlu neqeroorutit suliffeqarfittut ingerlalluarnissaat pilerinarnissaallu ukkatarivaat, taamaattumik ilaatigut pisortat aqutsinissamut pikkorissarnissaanut neqeroorfigineqartarput.

3. Aningaasaqarnikkut isumaginninnermi artukkiinissaq assaallu amigaataalertussat eqqarsaatigalugit, Naalakkersuisut qanoq iliuseqarnissamut pilersaaruteqarpat?

Ulloq unnuarlu meeqqanut inuusuttunullu innarluutilinnut paaqqittarfinni aamma ulloq unnuarlu inersimasunut innarluutilinnut neqeroorutini maannakkut sulisorisat tigummiinnarnissaat qaffassarnissaallu Naalakkersuisut ukkatarivaat. Sulisut innuttaasoq qitiutillugu qaffasissumik sullissinissaat ajunnginnerpaamik periarfissinnissaat pingaaruteqarpoq. Taamaattumik Naalakkersuisut eqimattat taakku pikkorissartarnissaat ilinniarteqqittarnissaallu salliutippaat. Taamaattumik Naalakkersuisut sulisunut ilinniarsimangitsunut pikkorissarnikkut piginnaangorsaanernut, ilinniarnermut merit-erlutik katiterinissaannut qitiutitsipput. Apeqqutimi 2-mi akineqareersup saniatigut, Naalakkersuisut Perorsaanermik Ilinniarfimmi allagartartaasussamik immikkut perorsaanermut ilinniarfimmik pilersitsinissamut aningaasanik immikkoortitsinikuuvoq. Ilinniartussanik tigusinissaq siulleq september 2023-miunissaa ilimagineqarpoq.

Inussiarnersumik inuulluaqqusillunga

Mimi Karlsen